

Te Tukutuku Ako Hangarau, Taumata 6-8 o Te Marautanga o Aotearoa

Ngā Akoranga Tāpua i ngā Taumata 6-8 Te Marautanga o Aotearoa			
Taumata 6 Tautohu, tūhura		Taumata 7 Tautohu, tātari, parahau, matapaki	Taumata 8 Arohaehae
Ngā Whakaaro Whānui			
Toitū te taiao			
<p>Taiao</p> <p><i>E whakaaweawe ana te taiao i tō tātou reo, i ā tatou mahi, i te āhua hoki o tā tātou haere i tēnei ao.</i></p> <p>Mā ngā hangarau me te whakamahinga o ngā hangarau e hāpai te kaihangarau ki te whakaaro ki te toitūtanga o te taiao.</p>	<p>Mā ngā kōrero tuku iho e hāpai tā te kaihangarau mōhio ki te hangarau taketake me ōna āhuatanga.</p> <p>Ka whai whakaaro te kaihangarau ki a Papatūānuku me te toitūtanga o te whenua me ōna rawa i āna mahi hangarau.</p> <p>Ka tautohu, ka tūhura hoki te kaihangarau i ngā rawa o tōna rohe hei whakamahi māna.</p>	<p>Ka matapaki, ka tātari hoki te kaihangarau i ngā āhuatanga o te hangarau e whai pānga ana ki te toitūtanga o te taiao.</p> <p>Ka āta tātari te kaihangarau i ngā rawa kua whiriwhiria, kua whakamahia hoki i āna mahi hangarau.</p>	<p>Ka āta tātari te kaihangarau i ngā mōhiohio kua kitea kia pai ai tana arohaehae i ngā kōwhiringa rawa e tika ana hei whakaputa hanga ka tahi, hei manaaki i te taiao ka rua.</p>
Māui hangahangarau			
<p>Tangata</p> <p><i>Ko te tangata kei te pūtaka o te whanaketanga o te hangarau – ōna whakaaro, āna mahi, āna hanga.</i></p> <p>Me whai wāhi te kaihangarau ki te whakamātau, te whakaharatau me te whakawhanake i ōna pūkenga me āna hanga kia whaihua aua hanga mō te tangata me te taiao.</p>	<p>Ka whai māramatanga te kaihangarau i te tautohu me te tūhura i ngā tukanga hoahoa hanga.</p> <p>Ka tautohu te kaihangarau i tētahi/ētahi take hangarau hei aronga, hei whakaea hoki māna me tētahi hanga.</p> <p>Ka wānanga tahi te kaihangarau me ngā hāpori ka whaihua ki a rātou te hanga ka whakaputaina. Mā tēnei e mārāma ake ai te kaihangarau ki ngā hiahia me ngā mahi hei whakaea.</p>	<p>Ka āta tātari te kaihangarau i tana e whakawhanake ana kia hāngai ki ngā hiahia o te hunga whaipānga.</p> <p>Ka whakawhanake te kaihangarau i ōna pūkenga kia pai ai tana whakatutuki i ngā hiahia o te hunga whaipānga me te hanga ka whakaputaina.</p>	<p>Ka āta arohaehae te kaihangarau i tana tukanga hoahoa e whaihua ai te otinga ki te hunga whaipānga.</p> <p>Ka kōtuitui te kaihangarau i ōna pūkenga, i tōna mōhiohio kia pai ai tana whakaputa i tētahi hanga whaihua.</p>
Hanganga kanorau			
<p>Taputapu</p> <p><i>Ko ngā taputapu hangarau kei te whakaea i ngā hiahia kanorau.</i></p> <p>Me whai wāhi te kaihangarau ki te hoahoa, te whakahou me te whakamātau i ngā hanga, ngā tukanga me ngā whakaaro nui. Ka kimihia, ka rangahau ngā pānga o ēnei hanga ki te tangata me ōna hiahia.</p>	<p>Ka tautohu te kaihangarau i tētahi tukanga hoahoa pai hei whai māna ki te whakaputa i tētahi hanga ka whaihua ki te hunga whaipānga.</p> <p>Ka whakawhanake te kaihangarau i ngā tauira hanga mā tētahi tukanga whitiaua hei whakapai ake i te hanga.</p>	<p>Ka tātari te kaihangarau i te tukanga hoahoa kia hāngai ake te hanga ka whakaputaina, ka mutu, kia whaihua te hanga.</p> <p>Ka whakawhanake haere, ka arotake te kaihangarau i āna tauira kia hāngai pū ki te take hangarau kua tautohutia.</p>	<p>Ka arohaehae, ka whakahāngai te kaihangarau i te tukanga hoahoa kua whiriwhiria hei whakaea i te take hangarau kua tautohua.</p>
Te tikanga me te tukanga			
<p>Kia mātāmua te noho mai o te mātauranga Māori, ngā kōrero tuku iho me ngā tikanga Māori hei hoa pāhekoheko ki te tukanga hoahoa i ngā hanga hou.</p>	<p>Ka toro te kaihangarau ki te mana whenua o tōna rohe kia pai ai tana whakauru i ngā mātauranga Māori o te rohe ki āna mahi me tana hanga.</p> <p>Ka kite te mana whenua i ngā hua ka puta i te mahi a te kaihangarau; te mātauranga Māori o roto, ngā tikanga kua whāia, tae atu ki ngā rawa kua whakamahia.</p>	<p>Ka mau tonu, ka mutu ka whakamahia e te kaihangarau ngā kōrero tuku iho i roto i āna mahi rangahau. He wā hoki ōna ka noho ngā kōrero tuku iho hei kaiārahi mō ngā mahi.</p> <p>Ka hanga tauira te kaihangarau kua tūāpapatia ki te mātauranga tuku iho ka tahi, kua hua mai i te tukanga hoahoa hangarau whaitake ka rua. Ko te hanga ka whakaputaina he mea whai tikanga, he mea whai tukanga anō hoki.</p>	<p>Ka kōtuitui te kaihangarau i āna akoranga katoa – mātauranga taketake, mātauranga ao tūroa hoki.</p> <p>Ka whakawhanake te kaihangarau i tētahi hanga, nā runga i ngā mātauranga Māori me ngā mātauranga hangarau kua mau i a ia, mā roto hoki i te tukanga hangarau kua whāia. Me mātua puta i a ia tētahi hanga, i runga i tētahi tukanga whai tikanga, ka whaihua ki te hunga whaipānga.</p>